

明治名家詩選

上

柳田文庫
文庫11
A1190
1



文庫 11
A 1190
/

明治三十一年一月卅日版權免許

村上佛山校閱
城井錦原修纂

明治名家詩選

清樾書屋藏版



廿五

詩



三條
明治名家詩選序

春



明治庚辰之

秋

梨峯之秋



明治名家詩選序

柳田泉文庫

明治名家詩選序
廢封建。罷世官。改正朔。易服色。自禮樂兵刑。以迄飲食居家。日用什器之微。耳目所觸。無物不新。蓋神祖創業。以還二千五百餘載。

川田氏序

明治名家詩選序

三

至明治別開一天地矣。而獨所
謂詩人者。猶祖三唐宗兩宋。其體
則古風律絕。其句則五言七言。
其聲則平上去入。依然守舊。
莫之或革。論者斥為迂腐無
用。而余則知其不然也。夫詩言志。

歌永言。情發於聲。隨古變。
故曰。治世之音安以樂。亂世之
音怨以怒。亡國之音哀以思。
曩者霸府政衰。禁細太密。言
涉時事。罪以誹謗。余嘗讀安
政卅二家。文久廿六家詩。逢避

明治名家詩選序
嫌防猜。寄情風月。外雖安樂。內
含怨哀。若夫中興戡亂。世歷滄
桑。士生其間。榮辱升沈。而感慨
係焉。或歌黍離以吊亡。或賦騶
騶以從軍。或發比興於艸木。或
銘功德於金石。一美一刺。各言

其所欲言。視之昔日。氣格風調。
迥然不同。恨世無采詩之官。諧
之津呂。被之管絃。用之鄉人邦
國。以考政治之得失也。鎮西詩人
却上佛山翁。寄其近稿。求評閱。
余諾而未果。翁遽歸道山。既而

其門人城井公立選翁及今世名家詩古今雜體若干首。屬余以序曰。此出翁遺命。夫余一負諾生前。寧可再負於死後乎。乃一讀援筆。題數語於卷首。先是翁詩入安政文以之選。

而今則面目一新。益臻妙境。蓋性情所感。適與隆運會。有以致之也。翁嘗語其徒曰。詩尚清新。然近日作者投時好。如氣球。電機輪船鐵路。爭入題詠。奇巧日加。忠厚日亡。今而不救。恐

有流弊不可勝言者。公立於
翁。親炙日久。則此選之所取
舍可知矣。

明治十三年新嘗祭日。撰於對

雪岳樓上。甕江川田別



迂堂巖谷修寫



明治名家詩選序

居今日五洲萬國尚且
競強攘奪搏噬。世為
有一國焉。偏重乎文。固必
弱。故論以至今日。豈特由
去是輕重之。物降而人為

有韻之聲詩風雲月
露連篇累牘又益芳
諸自鄒世漢矣雅於古
者太史四行郡國執風
問佐必採詩臆陳使師
誓誦而若之於王春秋

經世之書孟子謂其因詩
止而作昔通人既其其之
言曰自詩之亡而斯亦揚竿
之廢起蓋詩也者所以宣
上德達民隱者也詩鬱
而不宣則防民之口積久

而潰雖決四出或釀巨患
焉然則詩之興亡與國之
盛衰未嘗不相回也自余
隨母者東來就其鄉先
生之詩卓然成家者察
及吾家罕而近時作者

乃彬乎庶有其文余嘗求
其法則以德川氏中葉以
法禁細繁以密學之士夫每
以文字實禍故嘯嚙趨趨
笑不敢接筆亦上維新以
來之網既脫捐棄忌諱於

是令始日奮其意以出待
余讀我友城井氏之所造
多傑作其雍實指揚和其
靜以鳴國家之盛者固不
待言偶有傷時感世之作
而纏綿悱惻其意甚悲夫

忠厚當錄者亦未嘗禁而不
之是可以觀國運矣以余聞歐
羅巴固用武之國也而其人能
以付鳴者皆絕為當世所重
東西數萬里其於千年所以
偏詩者何必不同為武者不徒

廢文強弱之故得失之林其思至
 在此歟抑有為之言不必多用
 而全用之用又自有其歟法者猶
 軒采凡之任其必取此者讀之
 大清光緒六年六月山頌南
 黃遵憲序



明治名家詩選例言

- 一此編係先師佛山村上翁所德憑。翁校閱未半遽易箒。今卷首題翁名字者存其素志也。
- 一編次之序。一從稿所得前後。非敢判優劣。
- 一原稿有批圈者皆存之。無者以管見批之。
- 一方今作者林立。而所取止二十五家。亦翁之遺意云爾。

明治十三年九月

纂者識



梅外 二十四首 天江 十九首

青村 四十首

下卷

枕山 十五首 中洲 二十首

三溪 二十八首 梧樓 二十三首

松塘 十九首 溪琴 二十九首

省軒 二十五首 春濤 四十三首

總計六百二十九首

即前名家詩選目錄

明治名家詩選卷之上

錦原桑者城井國綱修纂

湖山先生小野長愿 字侗翁又號狂狂老夫近江人移住東京

蒙徵將赴東京有作 戊辰十月

幾歲棲遲卧敝廬。忽驚檐際鶴銜書。稍聞寰海妖氛滅。便覺寒林和氣舒。節後菊猶疑色處。至前梅已放香初。出門一笑別兒輩。敢借恩輝誇里閭。

恭讀十二月七日 詔書

唐室中興韓子筆。淮西勲業跡無雙。我皇宸

湖山

明治名家詩選卷之上

斷真神武。剿賊功成。不殺降。

己巳元旦朝東京城二首

玉殿春回曉日高。妖氛掃盡八風調。鷓鴣新見威儀盛。梅柳應知雨露饒。宸苑東西籠瑞靄。城樓咫尺接雲霄。中興作頌非吾事。欲學唐賢賦早朝。

眼看祥光耀大瀛。嵩呼華祝頌昇平。政權復古三千載。征討宣威十萬兵。恩賜杯深增喜色。陽和氣暢足歡聲。迎鑾有日知非遠。到底新京勝舊京。

元日當直俯仰有感。又作三首。呈山內容堂秋月

古香二君錄一



晴曠含瑞氣。天意表維新。兵燹去年夢。鶯花今日春。南山堪頌壽。東海豈揚塵。時去前函館未全平朝野齊熙皞。深哉化育仁。

二月十二日紀恩

幾回回首出城門。不覺衣襟點淚痕。歸去只期圖報効。賜環恩勝特徵恩。

歸家

名在朝班僅十旬。鶯花風暖故山春。老親喜我歸來早。言笑如忘病在身。

際會風雲何可辭。人言箇老負明時。一官到手忙歸去。

湖山

用名五言詩選卷之二

二

此境偏同歐北詩。一官七字
歐北句

靜坐

靜坐自期參古佛。依然煩惱亂如塵。情耽花月性憂國。我是人間造業人。

兩餘

兩餘自覺病骸輕。碗茗爐香無限情。剥啄有聲誰枉過。梅花代我笑相迎。

讀袁子才集

一世牢籠力亦優。詩文雙妙有誰儔。子才子是奇才子。唯解遊遨不解憂。

卜居

不須江上着漁蓑。不用山中鎖薜蘿。老卜閑居何處好。東京城裏故人多。

瀛洲散吏歌贈中井敬所

敬所近獲古玉印。文曰瀛洲散吏。奇古可愛。為此歌。

人間何官為最尊。無如閑散天授官。不知何官證天授。由行與事可以觀。敬所散人散樗質。居閑樂天爰有日。天公見之寵賞之。授之瀛洲散吏職。玉印虎鈕大寸餘。印文煌煌古篆書。玉質蒼潤有輝彩。篆體靈奇摸不如。散人得之喜再拜。天之所命豈敢背。直佩此印就此職。

領取瀛洲開世界。湖山狂客狂且顛。笑賦長句賀榮遷。此職散人慎勿曠。此印散人家可傳。

心太平硯歌為日下部內史作

心太平。庵庵何在。一生奔走亂離間。放翁放縱真天賦。唯是坦途視險艱。心太平字銘古硯。字畫宛然精神現。太平在心不在時。閱盡中原滄桑變。內史原非放翁徒。生在太平班紫樞。此硯落手驚且喜。不問遭逢今昔殊。嗚呼。畢子王叟皆殞沒。久矣尤物混瓦礫。一朝所歸得其人。珍賞何唯連城璧。想見內史朝回弄管城。一泓坐浥千古情。為君三復放翁句。萬事無營心太平。
硯背鐫心太平

庵四字。其旁鐫畢載珍藏漁洋山人鑑字。

乙亥新年

拜年客去小堂閑。春在微啞淺酌間。喜得兒童傳好語。

王師昨奏凱歌還。去月征台兵還

將歸展湖北有作

六十三年一夢春。東風吹暖上烏巾。落花芳艸清明路。又作青山展墓人。

春又來三首錄一

六十四年春又來。白頭蕭散好生涯。屯蒙否泰都經盡。本卦今逢未濟時。

湖山

記事 丁丑

新年先下減租詔。皇澤何唯萬物春。寄語東西賢守令。惠風慈雨體深仁。

寬永寺所見

不用風前枉斷腸。櫻花無恙閱滄桑。經過寬永寺邊路。選佛場為博物場。

天王寺所見

北邙山上暮鴉啼。早晚誰能免寄栖。一笑名心終未止。墓碑猶競石高低。

讀新聞紙有作

以下五首係
丁丑歲作

不堪遠望惱心思。捷報傳來始展眉。數萬精兵生死際。一枝吟筆禿殘時。欲追子厚平淮雅。敢擬少陵諸將詩。最是鎮邊存猛士。孤城保得五旬危。

哭內閣顧問木戶君

敢把安危繫一身。維新功績古無倫。至尊旰食今猶昨。誰與夫君為替人。

九月廿九日夜作

中宵忽聞電報吉。西南之賊已殄滅。此報日夜延佇久。從箇賊起八經月。王師征討百戰勞。賊勢東西太猖獗。妖言鼓亂亦頗多。轉使杞人憂心結。于嗟乎。賊亦疇昔。

日清名家詩選卷之十一
大功。臣。胡。為。變。為。叛。亂。民。吾。願。明。日。三。軍。奏。凱。後。善。後。計。更。舒。皇。仁。

十月十日聞征討總督二品親王凱歸即日任陸軍大將兼議長喜賦

昔年東征翻錦旗。親王親督勤王師。今歲西征渡紫海。親王親紉驕賊罪。親王一變恬熙風。手揮雷霆氣吐虹。歸來內外總樞轄。論勛中興真第一。嗚乎天為聖朝降偉人。日本武尊蓋前身。

松岡毅軒翁輓詞

一締交來四十年。北邙送葬淚潛然。義兼師友嗟平昔。

情過親姻感夙緣。元老名能傳國史。特恩詔已下皇天。豐碑當待能文手。敢誌哀詞闕九泉。

戊寅秋日偶然作
賦性真成陋且頑。百年占領一身閒。深憂或在蕭牆內。奇變時生白晝間。夢裏祥占寧着意。庭前蒼翠且怡顏。偶然得句任粗率。難學杜門陳后山。

清國欽差大臣何公枉駕茅廬余偶不在翌且賦呈聊陳謝意

老好出遊門掩扉。僮聞剝啄却驚疑。何思陋巷深居底。有。此。高。軒。枉。過。時。紅。葉。紛。飛。埋。古。砌。黃。花。冷。瘦。臥。疎。籬。

湖山

明名詩選卷之十一

六

知公洪度容迂傲。笑誦光輝衰白詩。

奠星巖先生墓用谷太湖韻

今茲戊寅九月二日實先生廿一年忌辰也。奮

社諸子相謀修祭其墓。愿在東京不得與焉。聊

獻蔬酒之貲附以此詩。

青苔黃葉想遺蹤。夢繞東山第幾重。憂世之深過痛哭。

臨終之際自從容。先生係暴疾。在禡僅二日。端坐瞑目而終。千秋聖典邀恩

詔。一代詞流仰正宗。弟子天涯空悵望。不堪黯慘暮雲

封。

燈下有作

我讀歐公集。韓柳鼎足成。予瞻在門下。此是天下英。偶
然吐露胸中語。不畏先生畏後生。
我讀老蘓集。舌端風霆起。術數挾權謀。蘓張或其比。及
讀墓誌驚且欽。篤實純明真君子。

華嚴瀑布歌

是山勝槩甲天下。華嚴瀑布冠是山。偉哉造物工夫作
巖壑。更作大湖滙其間。湖缺一隅如天缺。水勢奔飛大
瀑懸。一落千丈又萬丈。怒號撼地雷。雷霆闐。是水非水雪
非雪。亂為珠玉散為烟。山日倒射溪風激。使人耳聾目
眩心膽寒。壯則如孟軻直養之氣貫天地。古今決則如

湖山

明倫彙編

七

項羽鉅鹿之戰。殲人馬萬千。不數廬岳天台勝。斷為宇
內真大觀。嗚呼謫仙逝矣。仙才絕。欲敢題詩原厚顏。我
聞佛有諸宗。華嚴居第一。乃以名瀑非偶然。

此處有極淡之墨迹，似為後人書寫或刻印之殘留，內容難以辨認。

古竹上人僧岳 字五岳 豐後日田人

庚子正月十八日夜盜入予家。會予未寐。遂不得
志而去。

東家啼兒聲漸收。西家織婦梭初休。窓燈影凍霜氣重。
斜月一痕帶茅樓。有人偃僕循墻入。逡逡蹙步又蹙立。
定是鄰女訪閒來。門扉微鳴任彼開。升堂入室猶未止。
遂成梁上之君子。盜亦有道渠何疎。未入合知有與無。
搜而無物渠笑貧。勞而無功我笑愚。夜意蕭然盜去後。
我亦欲偷鄰舍酒。

過妓王故居

何須姊妹競恩華。一入禪場與世賒。不做昭陽蠱成帝。
敢同西子誤夫差。佳人未路多歸佛。名妓前身是落花。
舞袖翩翩今那處。唯看遺像著袈裟。

芳野

幽人懷古立斜曛。草沒荒陵路不分。杜宇一聲春似夢。
支頤閒對夏山雲。

偶成二首

汗漫何必事桑蓬。早買青山寄此躬。畫不爭名今世上。
詩將擇友古人中。公超去後市無霧。弘景卧邊松有風。

日暮先生睡初足。一聲孤鶴度遙空。

誰擊唾壺歌古詩。寒風蕭颯拂虬髯。乳猿吼月山難睡。
鳴鶴在臯天未知。名士寧無一狐腋。閒人徒有五羊皮。
坤乾納納年將暮。搯拙爐邊舉酒卮。

京師寓中作

紅塵欲染白雲情。累日淹留在帝京。空使松風吹万壑。
青山少我讀書聲。

題楊妃洗祿兒圖

韓休一去直臣稀。天下日瘦天子肥。金鑑書蠹玉環進。
明皇不明倦萬機。有子三人同日戮。翻養胡兒入房闈。

銀盤激灑御溝水。猪龍蜿蜒浴其裏。彩綉金輿光照宮。
宮娥微哂天顏喜。報言三日皇子生。胡為姓安不姓李。
四紀為帝稱太平。一朝城闕烟塵生。誰知懸弧歡樂日。
已兆勒帛悲泣聲。我按唐書不載此。天寶遺事非正史。
溫公採之良可疑。袁枚此論或誤矣。君不見天上女兒
鋪白氈。沙上鳧雛傍母眠。一出唐書一杜集。斯事其然
豈其然。

題畫

兩後苔痕合。滿階竹色多。先生有微恙。閉戶讀維摩。
城外步斜陽。鷓鴣鳴沙路冷。楓陰有老漁。舉網澆秋影。

一路多楊柳。江天澹暮烟。得魚人已去。沙上有遺筌。
孤洞窅然深。丹鑪煙未起。方書誰得窺。藏在古雲裡。
沙嘴立寒柳。蕭疎不作烟。行人渡江去。殘月照空船。
野廟祭何神。四邊紅葉繞。天寒不見人。一鳥立華表。
江風吹酒影。待月白蘋洲。笑語與潮湧。孤舟不受秋。
江湖流落間。幾醉黃花酒。借問故山秋。白雲無恙否。
崖根一路懸。頭上竹無鞭。絕壁幽蘭在。芬芳落自天。

村居雜咏

石砭東去路三叉。行傍青溪踏白沙。寂寞林神威福歇。
人來一拜為梅花。

百舌聲寒野有風。飄蕭歸袖度川東。茅花遠接蘆花白。
一路人行暮雪中。

桃紅李白已香埃。猶見群芳落且開。亦是花中孟之反。
牡丹緩緩殿春來。

袖手閒觀世上埃。茶烟芋火意悠哉。山田二頃生涯足。
却恐兒孫佩印來。

暗香浮月影橫斜。想得孤山處士家。詩債幾多償未了。
一年容易又梅花。

筑後途中

新綠埋村不見家。輕煙遙上午時茶。行人四月筑南去。

一路薰風烏柏花。

富嶽歌

日出處山日沒處山芙蓉崑崙伯仲間。自餘群山皆雌
伏。泰華衡嵩豈抗顏。我忽生翼一擊揚。風斯在下迹茫
茫。須臾飛上芙蓉頂。天闕咫尺仰玉皇。心與宇宙同洪
荒。東望鞞鞞北朝鮮。支那印度天西邊。南溟渺茫無際
涯。蠻虜信絕水拍天。脚根平鋪州六十。俯視山河與城
邑。如今海東正文明。詞林往往出俊英。鼓旗相分幾壇
場。恰似中原逐鹿情。畢竟不出蜻蜒裡。何異蝸牛角上
爭。唯願如日出處山向日沒處競崢嶸。大笑一聲天風

迅吹落我夢五十仗。

丁丑夏日熊本城下作

四面皆賊簇似雲。城在雲中級級分。滿目今日真火國。
市廛村落一時焚。城兵如魚在釜中。城將心居泰山安。
破裂丸飛烈焰迸。雲梯笑渠學魯般。忽使萬雷發自地。
火牛何必做田單。六十日間無虛日。攻守一日幾艱難。
軍糧如山山亦盡。賴有我兵力能彈。雖能彈力色欲菜。
千竈烟絕兵氣寒。知是都督援軍到。大喊聲隔一山間。
城兵驀地出擊賊。賊軍崩去似倒瀾。嗚呼日本國中已。
無城。唯有此城。選賊氛守城者誰。谷少將築城者是當。

北筑途上

黑木宮何處。千年遺跡存。野人春賣酒。花落古關門。

奧田大觀來訪席上賦贈

快飲吐豪句。琅琅吟暮颺。冬山忽驚睡。古佛亦聽詩。四。
海皆兄弟。三人有我師。况逢高士到。唯願緩歸期。

秋日次檀國韻三首 節一

我年過五十。情況稍蕭然。手熟畫差俗。才衰詩却圓。殘。
楓難照水。老柳不成烟。吮筆圖平遠。江南秋暮天。

義仲寺

竒勳歷倒大頭公。深惜先鞭不善終。想像將軍當日恨。

芭蕉墓畔立秋風。

感懷

報道鄰邦戰正聞。南風不競使吾寒。屍橫曠野鳶聲喜。
血濺枯草蝶意酸。只見田單支即墨。未聞無忌救邯鄲。
俄然城郭付烏有。也作閻浮一劫看。

(Faint bleed-through text from the reverse side)

敬宇先生中村正直

字敬輔靜岡人住東京

栽培經濟論題辭

不說無為法。而著有用書。栽培經濟論。著實不憑虛。介
公參佛象。清水出芙蓉。心不染貨利。念不牽簪裾。升座
轉法輪。讀書窮五車。曩製視實儀。顯場得聲譽。今又草
此書。意見吐緒餘。或疑公緇徒。宜須塵累祛。乃喋喋金
貨。栽培及耕畬。我謂真佛者。不同悠悠徒。菩薩救下界。
不厭混泥淤。乞兒至屠沽。何妨一席俱。今世國帑匱。百
物仰外輸。工事未興旺。農業小規模。士民交困弊。識者

敬宇

古

咸歎吁。慈眼視衆生。能不淚沾襦。孟子論王道。未曾涉
唐虞。桑麻與鷄豚。材木及耕漁。公亦同此意。焚眉急時
須。焦慮生產富。苦心財力舒。何敢高自標。揮麈做禪枯。
能仁若生今。汲汲講良圖。後人論佛老。違實而述誣。虛
無寂滅名。彼豈甘受乎。

礫川植物園即事 是日陪清國公使共遊

名園礫水北。秋色最佳妙。千林紅如燒。萬樹紫互照。倒
蘸一池廣。霞彩何艷耀。豈獨楓柏美。衆景足詩料。尋幽
入奧窔。登高豁遠眺。水木洵明瑟。岡阜巧繚繞。堂堂大
國賓。晴日駐車轟。園林增光輝。酬酢極驩好。我居咫尺

近。杖履不常到。盛宴叨末席。誌喜比鵲噪。

熱海誌題辭

負山抱海形勝雄。異人流謫長此中。一洗簪紳華奢習。
別開霸府無限功。武門執權今已矣。地出靈泉永不已。
治效神奇甲扶桑。年年救活萬人死。昔者七泉今倍蓰。
田野所穿見清泚。况有好景怡心目。造物布置妙乃爾。
江城六月暑爍金。朱門甲第汗成漉。競來此地取休沐。
冠蓋車馬相追尋。招引王公輕羈放。賺得洋商傾囊貯。
况療其病施以恩。權勢何曾減霸府。我久欲往浴靈泉。
塵途局促苦無緣。忽讀巖公好記筆。遊意勃然骨欲仙。

敬字

我知靈泉有神通。借手大雅廣其傳。人間勢力浮漚耳。
嗟汝熱海有真樞。

高尾詩

太田南畝高尾考曰。按三浦屋高尾以仙臺高尾為初代誤也。山東京傳高尾考二編曰。高尾二代稱石井高尾。二編中載元政話說頗詳。三編曰。世傳綱宗朝臣於江戸三股殺害高尾者非實事也。高尾入宮。後呼於杉之方為老女。移仙臺以天年終。又曰。石井高尾者初代高尾也。仙臺高尾者三代高尾也。

三汊流血蓋謬傳。石井高尾事最真。琵琶湖上勝絕地。
偃武後產一才人。姓石井名吉兵衛。詩歌管絃皆善會。
藩公直孝愛其才。恩寵優渥躡等輩。陪駕一年僑東都。
偶遊北里買名姝。三浦屋初代高尾。才情容色絕世無。
佳人才子例相愛。一夕同枕契千載。由來得意易引魔。
有以千金議昏配。高尾驚駭贈書函。欲喚石郎子細談。
是日侯家和歌會。飛觴遞棧興正深。石郎亦侍在其席。
恨不一身生六翮。會散三更邸門閉。飲泣空待晨鷄磔。
忽有同僚傳公命。今日汝顏憂恹恹。毋乃中懷有所思。
不然汝或有疾病。拜答否否無有茲。使者復命公尚疑。

敬宇

乃召石郎即時至。至則自迎之階。揮手賜一枕。添恩旨。歇舍不便養病體。今夜可持此他宿。君恩天大感謝。退飛輿直向日本堤。更深漸達狹斜街。恠事咄咄聞然報。高尾伏劍命如絲。抱持連呼吾至矣。佳人睜眼攬郎袂。一笑粲然息便絕。滿坐愁慘暫掩涕。傍有遺書語殷勤。永與郎君誓松筠。不意他人贖妾身。只有同死完婚姻。待至中夜郎不來。獨死庶使妾心知。郎幸不忘契濶說。九重泉路盡交期。讀畢石郎腸寸斷。思賜枕中黃金粲。難返紅顏既死魂。空充棺材與僧飯。夢寐悲傷病在牀。瓜期已滿還故鄉。行至淡海華表驛。削髮爲僧入道場。

惟時石郎齡尚少。後來學成才德邵。深草元政師即是。禪餘詩文極絕妙。噫噫高尾慧眼善擇夫。冰清霜潔死。不虛果出高僧冠。昭代爲作此詩。從頑愚。
打鐵匠歌 譯
蔽芾栗樹如張翼。下有打鐵匠之宅。其人壯剛手腕大。鐵條隆起筋絡黑。正經之汗額常濕。正經之利食其力。平生不借一文錢。對天下人無愧色。朝有打鐵聲。釘鐺天未白。夕有打鐵聲。遲速應節拍。日日月月年又年。揮鋸而擊。揮鋸擊。村童群自鄉塾還。店前佇看冶鐵赤。韃韃咆哮火星飛。逐而捕之。寧呵責。安息之日鎖店鋪。往

寺院而列講席。其女偕衆唱神詩。聞之中心獨悅。擇其聲彷彿亡妻聲。追憶不覺涕淚滴。善哉鐵匠之生涯。勞苦之中樂自得。朝朝夕夕勉不已。贏得一夜酣寢息。鐵匠鐵匠我謝汝。汝于我有師友益。嗚乎人生打鐵場。福運只須以力獲。心思言行火焰裏。砧上鍛鍊成模式。

僻村牧師歌

譯英人ゴールドスミス詩意

一叢樹林圍小屋。中有牧師守幽獨。一年所得僅卅金。自謂衣食既豐足。不解誦說不求權勢。不變其說以適時俗。不願其身陞高位。貪世間難恃之利祿。但願扶起窮民無告者。同受來生無彊之真福。門前豈有長者車。

案上豈有貴人牘。臭穢丐子是賓客。家人慣看額不感。或有驕奢敗家者。悔悟往事祇收錄。一見許之如舊識。誘迪何肯憚繁複。白頭老兵坐爐邊。一手倚杖語真樸。主人但愍其衰朽。往時善惡寧推鞠。吁嗟乎牧師但願扶起窮苦民。其過偏在德善邊。常至將死者之牀。指示真理度迷津。憂愁消去快樂生。肉身一脫靈魂全。寺觀說法會老幼。溫然其容藹其言。彼或欲嘲而來者。聞之感悔讚真神。會散牧師步歸家。野人簇擁皆真純。村童自後戲牽衣。欲博師之笑開脣。師果靦然回其頭。慈父之愛見于顏。茲輩有憂師代傷。茲輩有喜師代欣。吁嗟

乎牧師虔誠人。身在塵世心在天。君不見高山腰脚纏
風雨。日光永遠照其巔。

讀史二首

紫宸擬造聳崔嵬。競賀雲州龍馬來。獨有藤公掛冠去。
君臣得意正銜杯。

歷山壯歲赴黃泉。三十武尊飛白鳥。身後功名無一存。
百齡亦不值分秒。

偶成

讀書半日兩眉攢。疑難胸中交万端。俄策疲驂向郊野。
天加廣大。地加寬。

松山先生草場廉

字立大肥前
人住西京

那古屋懷古

興亡今古不可期。取快一時是男兒。結髮起身奴隸伍。
隻手拆盡扶桑枝。餘波直及鴨綠水。決潰八道東海歸。
飛花撲杯芳山宴。想見戰血紅陸離。豈圖一旦將星落。
北風吹送班軍旗。群象嘖嘖放譏議。或曰黷武或兒嬉。
或曰漫被黠兒賺。未勢不振國本痿。嗚呼燕雀何知鴻
鵠志。有似蠡殼測天池。英雄襟懷元落落。不因得喪為
喜悲。偶登舊墟吊鬼雄。寧將涕淚霑殘碑。啞然大笑臨

渤海水天一碧。鵝雲飛。

古戰場

山亂劍。鉞折河懸。萬馬奔。英雄命路盡。功烈口碑存。終日雲霾合。欺人鱷魅言。躊躇無所吊。春冷落花翻。

春盡 進退韵

飛飛蝶影入簾帷。芳事回頭已昨非。未免牛衣多日厄。僅餘鷄肋幾篇詩。春光冷落如僧定。客思纏綿有夢歸。惆悵長條空自碧。暮烟深罩柳依依。

烏江懷古

玉斗撞碎謀臣亡。灞上馬塵走漢王。美人如花落紅兩。

楚歌四面聲悲涼。江東父老今誰在。一葉漁舟下夕陽。

登筑波山

劍門何獨說危哉。逕入羊腸回幾回。草木長含神代色。泉源遠自漢河來。亂山北走胡天黑。大野西低日域開。忽有雙龍腰底躍。一飛直欲御風雷。

寄懷津田于園在江都 余時寓浪華

長缺何時可罷彈。飄零轉覺別離難。花籠暮寺疎鐘度。兩鎖春城列樹攢。非與故人相對笑。縱逢美景忍為歡。想君澤上吟歸夕。陣陣香風雪撲鞍。

源右將

善辨多多善將將。智兄勇弟互相依。如何尺布難縫得。
却為岳家裁嫁衣。

謝安石圍碁圖

兵戈滿目奕碁同。一着喜聞兒輩功。却是乃翁閒伎倆。
區區成敗未分中。

江南

江南十里晚鶯啼。野店小橋垂柳西。日暮行人思一醉。
杏花滿地雨淒淒。

所見

舟人呼不答。岸柳帶斜暉。一鳥蘆中起。輕輕縫水飛。

送馬禮夫歸鄉是日大雪

函根之山何突兀。積雪十丈馬尖沒。怪君歸心俄鬱勃。
漫天白戰朝將發。征馬不嘶堅毛骨。風颼颼兮吹凍月。
高歌一曲勸劍菱。劍菱酒名君若不醉奈今夕。

壽淡窓先生七十

栢綠松青鬱擁軒。想君鶴髮照金樽。江湖名夙以文著。
今古身因不仕尊。輕屐春泥芳草路。野航秋水白鷗村。
無疆天壽須珍重。居易放翁知己存。

源豫州

投擲緇衣着鐵衣。誓令門葉再騰輝。出奇不測神耶鬼。

鼓勇誰嘲猪且豨。風走吳船如箭駛。馬衝蜀嶺挾人飛。
空憐貝錦成萋斐。祇合榮裝照畫歸。

訪田生途中。偶閱所齋王新城集。用其抵金陵韻。
崎嶇攀阪路。杳渺指烟津。風月近良夜。江山多故人。片
帆疎雨歛。遠樹夕陽新。相遇柴門外。十年憶舊塵。

寄題韋津對仙醉樓

仙山宛在海之中。縹緲上見妙音宮。夜深月明聞仙樂。
颯如潮響和松風。幽人是時酒初醒。起倚樓欄夢朦朧。
鶴唳一聲不知處。曉烟如藍月已空。

櫻

西土牡丹徒自誇。何知東海有名葩。徐生當日求仙境。
看傲祥雲是此花。

與子春飲鴨河旗亭賦贈次家君韻

家君曾與先生

再遇于浪華。同用二十一年字。有詩。今余別子春于浪華。已十一年也。目亦傲前例云。

醉別江樓十二年。酒光燈影夢淒然。豈圖清洛涼風夕。
又對閑鷗話舊緣。

本能寺懷古

本能寺隍幾尺深。吾已成算熟我心。豎子宿怨非朝夕。
強將談笑窺其隙。治具待賓方有期。倉皇又促西征師。
咄何反覆無常。我之逞志在此時。山祠夜寂獨不寐。屢

船山

月宮

三

起太息驚魑魅。晨出祠門雨濛濛。去尋西坊舊社會。一
苞角黍知蕩心。數字短歌見異志。老坂不向備中路。揚
鞭直指桂川渡。我敵果在本能寺。馬首所向眾爭赴。主
人喫驚出視兵。甲光如星爛其盈。大森小森各奮勇。矢
盡刀折空結纓。君不見右府功名蓋天下。餘威問罪及
佛者。叡山石山空灰燼。何料乃公遂親禍。吁。隍中之水
幾尺深。遺恨不拯焰焰火。

過篠原村

村有篠原長者宅趾長
若即佐用姬之父云

一路秋風過篠原。美人生長尚存村。青山噴出潺湲水。
道是松江初發源。

芳洲禪師房

繞砌竹孫連玉版。垂檐梅子綴金丸。山僧活計無多子。
蒸玉烹金足晚餐。

醉李白圖

天子亦能容醉眠。長安市上酒如泉。鏡中白髮三千丈。
莫是銀河落九天。

赤壁

漢火光微屬鼎爭。地分南北大江橫。片帆窺便周郎策。
斗酒佐歡蕙婦情。銅雀臺空無富貴。金蓮燭冷尚才名。
興亡唯有山河識。十歲風清又月明。

佐用姬

妾心如海妾心如石道之云遠君子役上山下山望君
蹤海漫漫兮不可從妾心如石妾思如海宛其佇立山
之崔嵬。

圓通順公房

纔入山門冷晚陰坐來頓覺颯塵襟應無所住浮雲影
如是我聞流水音八字扉開風不斷五重塔聳日全沈
僧離時上佛前火分與餘光照客吟。

磐溪先生大槻清崇

字士廣別號愛古翁宮城縣仙臺人

送浦賀尹淺野君赴任

吾觀近世待外夷牛刀割鷄亦甚哉一艦所裝砲幾口
我乃千萬人備之不獨四鎮勞守衛沿海諸藩奔命疲
待其揚帆纔撤備經費何翅十萬貲欲救此弊在審彼
英清近事知不知一縷鴉片煙未滅席卷江南已有期
且約歲幣二十萬城下之盟飽颺歸挾其餘威來擬我
欲啓兵端苦無辭我策如出礮擊未彼輒得志速尋師
弘安神風何足恃滿清覆轍現在斯不若且收張皇勢

燕服從容詰其來。互市大禁不可許。求薪乞水乃可施。
國威既立死費省。柔遠戎莫善於茲。淺野鎮臺將赴任。
祖席迎我苦乞詩。吾豈贈人以言者。略陳固陋君且裁。
行矣海衛國重事。可說區區私別離。桃花楊柳春三月。
明年迎君亦此時。

金華山

屹立煙霞縹渺間。海東名嶽是仙寰。千秋赫赫金華句。
無復人呼陸奧山。

阿武隈河

甲子山頭是水源。洪流百里向東奔。滔滔日夜逢川綠。

不為離人洗淚痕。

名取川

秋老源頭霜氣清。墜紅泛泛逐流輕。夜來急漲漁梁落。
幾隊香魚破錦行。

辛亥三月十五日。

天朝追尊和氣朝臣。為護王大明神。真曠世之典也。

陪臣清崇聞之不堪感激焉。私賦古調一闋以頌
清德。

日出之邦天神孫。開闢以來唯一尊。怪他豐聰熾異教。
馴致妖靈侵天闕。何物老比丘。敢朵願神器。破戒逞淫

毒醜聲不可記。舉朝脂韋流。無復一人議。佞祝矯神教。
迎合抑何意。堂堂和氣清。麻呂奉使分。明奏神語急。
掃蕩無道人。天日之胤勿亂序。佛力何曾敵神威。雷雨
晦冥氣色沮。竟使四十八代天。克纘殆墜之皇緒。吁嗟
嚴霜烈日氣節。臣聖之清當歸斯人。

詠史節六

萬機餘暇足吟遊。殿救金岡盡藻流。更向詞林補佳典。
十三夜月賽中秋。
調理和羹助廟謨。儒門台鼎古來無。可憐末路青蠅點。
終被藤家紫奪朱。

蕩盡厨川鐵蒺藜。漲天神火卷風霾。可憐長狄專車骨。
六郡山河無處埋。

笠山南指萬峰間。天下真成容座難。且借巖陰供假寐。
松風拂露御衣寒。

買犢還珠天子仁。艷姬也喜嫁忠臣。丈夫須曝河邊骨。
忍作春閨夢裏人。

墜馬如松死僅生。碧蹄大捷撼韓明。翻將餘勇鼓文運。
紫海洋洋絃誦聲。

大風行

驅飛燕。役惡來。簸揚天地海水頽。萬家漂搖人壓溺。造

物。逞。毒。何。慘。哉。頻。年。地。震。動。九。土。做。戒。上。下。情。文。武。予。
其。懲。不。毖。後。患。無。乃。天。公。激。餘。怒。嗚。呼。無。乃。天。公。激。餘。
怒。

春盡拜先人墓

東。禪。寺。古。鎖。煙。霞。芳。樹。無。人。墓。道。斜。喚。起。三。十。六。春。夢。
幾。行。幽。淚。濺。殘。花。

天開行

侯。問。及。當。今。時。勢。余。不。敢。答。退。作。天。開。行。一。篇。以。
呈。

天。開。鎖。國。通。聰。明。靈。慧。妙。智。從。斯。生。日。月。所。照。地。所。載。

自。有。火。船。可。橫。行。奈。何。此。時。却。鬱。鬱。窘。於。藩。吏。智。亦。屈。
吾。恐。一。旦。邊。警。傳。不。免。呼。神。仍。呼。佛。何。如。直。駕。萬。里。風。
一。舉。雲。鷁。凌。長。空。君。不。見。出。洋。一。步。天。地。別。仙。島。神。山。
森。羅。列。

送人謁日光廟

縱。然。邊。海。納。羣。蠻。烈。祖。神。靈。在。此。間。一。片。丹。心。憂。國。淚。
遙。遙。泣。拜。日。光。山。

感春三首和韓公退之韻

梅。花。美。無。度。玉。立。嚴。冬。間。巖。巖。見。氣。象。英。華。吐。爛。漫。夜。
色。雪。相。映。晨。姿。霜。未。乾。胡。為。狂。風。起。一。朝。忽。傾。翻。時。節。

適當爾。懷悲自無端。

櫻是百花王。桃李皆避退。雖然訖繁華。局促扶桑內。天地多奇花。孤芳寧足賴。誰能駕飛車。相從觀海外。

送花旗國使節杜雲仙還下田

不見英夷百萬軍。早將三寸策殊勳。挺身奉使古無例。緩頰定盟今有君。置吏雄都防外侮。開商好港勸民勤。歸程何物壯行色。富士峯頭八朵雲。

望嶽詩 并引

連日霜晴。嶽色明媚。其朝暉夕陰。氣象變幻之妙。不可名狀。余每登岳雲樓。輒以二十八字寫

之。累至六七首。未能了其彷彿也。且錄以自娛。

節三

衝寒早起坐新晴。正是三竿海日生。一帶遙山迷曉靄。蓮峯戴雪獨分明。

自是扶桑第一山。群巒羅列彩雲間。尊其瞻視儼然立。似坐九重朝百蠻。

山橫麓底翠高低。嶽雪當天望不迷。八面玲瓏無遁隱。夕陽來逼劍峰西。

川寄生以洋鏡寫余真影因自題

六旬猶自事斯文。漸愧虛名海內聞。具體而微才學識。

守身為大慎。清勤滿頭白。髮唯知我。一。繖青燈不負君。
楚產陳良聊自擬。天荒破得與東雲。

林外先生廣瀨孝

字維孝豐後日田人

龍門寺瀑布

水氣自濛濛。天容慘如濕。四時常陰沉。春光不能入。飛
瀑自天降。一條白練立。半腹忽成淵。暫救倒懸急。龍門
標新奇。超然無踏襲。天下推那智。此奇或不及。淵色黑
黢黢。下有驪龍蟄。玄珠在何處。異光時煌熠。

淨明寺

九原何茫茫。傳是布金迹。古墳無人薦。蘋蘩碑碣半蝕
土華碧。暗水聲咽月荒涼。石佛不言秋夜長。一點陰燐

林外

明倫堂詩選卷七

三九

下無影。蕭蕭悲風吹白楊。

鬼城

巨石如相揖。老木如相拱。一徑在其間。危磴難旋踵。詰曲穿螺殼。狹窄入針孔。竒險來不已。使我心懞懞。絕巔轉幽靜。浮慮澹不動。鬼氣忽襲人。怪雲壓頭重。

櫻祠

拾翠踏青成隊過。東風蝶舞又鶯歌。溶溶春色滿溱洧。借問何處芍藥多。

柳陰洗馬圖

依依橋上柳。盈盈柳邊水。柳條搖有姿。溪水清無滓。白

馬汗血種。可以共功名。歲月人易老。歎息髀肉生。洗畢猶徙倚。晚風吹飛絮。柳條折為鞭。還渡清溪去。

杖植

濛濛古雲窟。落落老農家。天似管中豹。人如井底蛙。午時方出日。春晚始開花。靈液能延客。常聞笑語譁。

姬島奉別家君

離筵蠟淚報深宵。何處吹愁入洞簫。玉女峰前雲帶雨。觀音閣外月生潮。趨庭唯覺三旬短。陟岵又傷千里遙。縷縷衷情言不盡。好風已促木蘭橈。

妾薄命

林外

明倫彙編詩經卷七

三

友人之妻有不為其夫所容者。屏居幽室。此離
永歎。予聞而哀之。賦妾薄命

冬夜何杳杳。春日更遲遲。暗塵封角枕。錦衾無光輝。君
子事遠征。秋風入擣衣。河山雖云邈。猶可數歸期。如何
咫尺內。乃成天一涯。君心不可轉。晤言永無時。春光方
搖蕩。寂莫掩羅幃。燕燕不相識。雙雙入戶飛。淒其歎締
綌。下體愧芳菲。恩情豈云淺。薄命妾自悲。

和歌津別蘆庵

送者猶在崖。行人心更遠。殷勤報舟子。柔櫓不厭緩。惆
悵崖上樹。已與蒹葭短。

寄千原夕田

薜荔秋寒隱士衣。桂花香裏掩幽扉。山雲欲合歸樵出。
林日將斜倦鳥飛。遁世詩書始成味。消閒棋局未忘機。
相逢好酌一杯酒。雨後溪流鱸已肥。

觀左儀長

南肥巍巨鎮。俊傑入陶甄。文學比鄒魯。射騎追趙燕。文
辭兼武備。古禮表新年。田獵跡相似。鄉讎意或傳。健兒
皆踴躍。驍騎忽聯翩。朝旭映金絡。官梅擁錦韞。管茅揚
紫焰。竹木捲青煙。風起虎從野。雲生龍在田。疾徐隨境
變。聚散逐時遷。進退無金鼓。指揮有鉄鞭。中達始奔逸。

林外

明詩名彙詩選卷上

三

曲巷乃回旋。遺響獨振地。餘塵欲漲天。鄭人誇罄控。齊士競便僂。豈識吾東海。雄威更赫然。

夜明關別龜谷省軒

欲識消魂處。雞聲古關曙。雲山千萬里。何時復相遇。舉手指落月。是君西歸路。

夜過槌田洞門

秋山易成夕。况遇窈冥洞。悄然從炬火。誤破蝙蝠夢。寒焰無遠光。人被巖角弄。何為就窮途。捫足內自訟。暗水不聞聲。冷冷吹欲凍。出洞夜天高。前程有月送。

矢上驛見松林飯山詩扇次韻寄懷

偶誦清詩萬感牽。驛窓殘燭影蕭然。三旬游迹如春夢。一代才名尚少年。夜月櫻花芳野酒。東風楊柳淀江船。此行將訪伊人去。家在琴湖杳渺煙。

夜遊最勝寺

入寺不見僧。穆然夜庭靜。山月知客至。伴吾以松影。一編貝葉書。松下月共領。清光導妙理。恍惚赴化境。道心澹如水。鶴唳風露冷。

渥美子新招飲大正寺

携酒同為蕭寺遊。濛濛烟雨入新愁。幡竿影濕寒山晚。一笛聲悲滄海秋。文士談兵猶意氣。書生作吏亦風流。

虎頭今日未投筆。愧殺當年定遠侯。

月夜過播海

水天有端倪。月來補其罅。清光不自惜。萬里與海化。唯有白鷗在。與吾分清夜。

復照庵謁佩川先生

青霄一點少微明。千里蒲輪不得迎。天下何人推大老。關西今日見先生。秋催雲雁客衣冷。風入木犀禪院清。多謝宣揚煩巨筆。寒山片石有餘榮。

佩川作先
考碑文

舟中書懷

無事使人悶。多事使人忙。在家苦日短。在舟愁日長。斯

心隨境變。毋乃太倉黃。隨境皆可適。不如與之忘。

全

十里或經旬。千里即頃刻。風潮有逆順。楫舫非汝力。咄哉天下事。欲以人巧克。君子蓋世功。歛然無德色。

都下童兒

都會見兒童。無一不才子。總角方壯然。清辯如流水。二十猶便儂。三十平平耳。開萎何倏忽。有如桃與李。豫章參天材。生在深山裏。

除夕祭文

誰把丈夫凌霄志。碎為風雲月露字。案頭青燈光熒熒。

林外

明倫彙編 家範典 卷七

照見一片不平氣。火舶奔兮鑠馬群。北風奮發吹戰雲。鳴呼序記銘贊何所用。文可祭兮文可焚。

秋村先生柴莘

字綠野阿波人

讀書志感

節四

夏間著細葛。幸免蟻蝨生。怪哉蟲與蚤。形從外物成。日夜嚼吾膚。痛如坐亂荆。東摸又西掃。神倦卧桃笙。一睡忘其苦。青蠅已營營。弄抹眉目際。困極難共爭。忽見金風動。霜威凜而清。三蟲稍屏迹。快比解宿醒。執卷向樹根。墻角覓短檠。

古云又古云。於古無所得。口給以禦入。自藉表措式。民心無規矩。時務有消息。昔賢當斯際。多方用才力。唯能

秋村

明流名苑詩選卷上

三

察今情。廼是古之極。周公制周官。千秋仰大德。荆公仿周公。其弊終誤國。

早歲陞高官。定非一生福。姣姣美少年。署銜即令僕。官娃皆流眇。路人都側目。一朝遭事變。經理非所熟。令望已蕩然。輿論皆不服。何違食與眠。憂極願死速。日飲近婦人。晚節終自瀆。故智俗信陵。此意可痛哭。調調又刁刁。林木響寒颯。孤寒不成寐。歎息坐中宵。三尺芙蓉劍。生平不離腰。海內諸豪傑。中原期連鑣。壯心空自在。去國十年遙。家貧親亦老。菽水欠簞瓢。讀書成底事。毋乃古徒饒。每聞風樹聲。我心共動搖。

記夢

飛嵐溼渺遠。衣裾石几凭。來俯太虛初。日東生海光。紫芙蓉峰上。讀仙書。

秋日訪友人山居

千竿修竹擁柴門。裏足多年卧遠村。漢書未熟猶三復。魏闕何曾陳萬言。神劍傳家山鬼護。客星動象布衣尊。吾亦江湖垂釣者。閒心好與故人論。

所見

夜水生寒酒力微。沙禽嘎嘎掠舟飛。一星遠火枯蒲裏。知有漁家未掩扉。

秋興八首做杜少陵

節三

銀燭搖光在水頭。紋簾綉幙不知秋。下賢公子誰無忌。侍宴美人皆莫愁。文告翩翩飛蛺蝶。會盟泛泛集鳧鷗。唯教兵氣都銷盡。樂土真成是帝州。

何恨邊陲不立功。養成國力運輸中。成樓刁斗三更雨。估客帆檣萬里風。滿圃棉橙晨吐白。繞村櫟楸夕搖紅。今年幸是饒衣食。沽酒團樂話野翁。

深秋水色綠旁迤。樹影瀟瀟落古陂。革面鷹鳩非異類。逾淮枳橘本連枝。香臺雲隔鐘多斷。野渡沙乾路屢移。觸目何堪多感慨。西風橫拂淚痕垂。

江樓秋望

此意與誰論。江樓對一樽。魚吹殘日影。蟹攪落潮痕。漁語聚烟艇。碓聲生葦村。撫欄吟不盡。醉味愛黃昏。

贈金城鼎畫史

妙畫金城老布衣。米家果見出元暉。君春岳子鞞材爭集刀。誰捉門限踰多鐵。稍微蘆葉穿籬春。水至桃花滿網夜。漁歸隱居渭上他年事。渭川在阿州此趣先希筆發揮。

舟夜懷鼎子玉二首 節一

孤懷多對月。短髮又逢秋。如此相思夜。江天一蘧愁。

南北朝小樂府二十五首 節五

煮食床前日。對妃淚濕襟。劉公手尤毒。今日所甘心。
能辭山陰主。床帳志不移。遂引竹帛笑。空負好鬚眉。
十年讀書力。五竅心理明。寧為王凌死。不作賈克生。
人才推白馬。神算比留侯。纖妍似美婦。何堪軍人洩。
如何長髮尼。公然殺天子。空聞連袂歌。楊花渡江水。

送連上人歸江州

倦遊又似鳥知還。半歲追隨松石間。未道道人無所著。
秋高月好憶湖山。

八月念三夜。書堂客散起步後庭。襟樹間四顧蕭然。頗有山林之趣也。題二十字於石上。

老葉無風墜。深苔含露明。獨立中庭月。吾嗟即秋聲。

曉步

霜色滿平田。人家猶未起。雞聲出頽垣。月掛槿花裏。

梅雨中送友人

只有愁心畫不成。江頭暮色送君行。滿天梅雨如秋雨。
蒲葉依稀落葉聲。

廣島路上 節一

潑刺寒魚集。晚汀蟹簾半。斷泥枯萍。淺流自入松林去。
依約天光一道青。

酒後作

酒氣忽然醒。秋風滿戶庭。客鬢何蕭颯。悲歌發性靈。遙
夜。悶。群。籟。破。欄。棲。數。星。殘。燈。是。知。己。相。對。眼。偏。青。

新正十二日。同龍濱石田二君看梅於明谷。五絕
句。節一

石。砧。斷。續。激。微。波。夾。岸。新。梅。盡。老。柯。只。有。清。香。成。霧。去。
一。溪。失。却。月。明。多。

三洲先生長艾

字秋史長門
人住東京

壬戌歲杪。卧病湯田。咏懷十首。用老杜游何將軍

山林詩韻。

馳。情。丹。鳳。閣。伏。枕。錦。川。橋。蠻。舶。暗。滄。海。詔。書。頒。

紫。霄。徒。然。悲。輻。說。豈。暇。問。旃。招。揮。淚。戀。東。景。時。危。閭。闔。
遙。

春色皇州動。烟。花。息。水。清。柳。溝。始。漸。雪。宮。柳。欲。聞。鶯。
狻。虎。護。丹。陛。衣。冠。調。鼎。羹。王。師。將。薄。伐。虜。舶。敢。

衡行。

三洲

浪華財賦府。國力賴茲支。一旦有胡騎。於吾失鳳池。孽
臣昔成梗。要地彼能知。須急塞三口。莫教帆影披。
詔召將軍至。來看禁闕花。內奸除大蠹。外寇攘長蛇。
臣職竅荒久。朝綱歲月賒。祖宗在天地。四海

帝王家。

身世兩顛頭。何由懷抱開。多愁卻回酒。冷夢不離梅。感
蹙乾坤小。悠悠歲月來。病衣任垢膩。暗碧欲生苔。
小墟依綠水。活計恃靈泉。春近連朝雨。溫生一領絲。殘
年迎草夢。久客看囊錢。浴後聊行藥。風烟已滿川。
聖誠動。三廟。悱惻入馨香。誰使昆夷熾。敢言周德

涼。雲酣蟄龍起。日出老魑藏。大矣臂懲意。冬心在彼蒼。
蓮花好時節。際曉過南池。蘇小唱金縷。山公倒接羅。斬
愁看龍劍。使氣歷并兒。傷別今如雨。天涯有影隨。
血碧東關草。心丹禁闕雲。天哀照忠骨。苦節動

尚紛紛。宸文不見紀。綱振何由誠。偽分偷生老。奸在白首

日。仰屋梁。臥我生。其奈何。喜悲綠病切。憂思為時多。治
亂無竒策。乾坤有慨歌。千行身世淚。歲月忽將過。

首春詠懷五首。用老杜重過何氏詩韻。

甘旨未能具。空看萬卷書。萍蓬無定迹。天地且吾廬。賦

性憐葵藿。遂生慙鳥魚。至尊方旰食。艸莽敢寧居。
大義君臣定。千秋屹不移。由來我王土。何處着胡兒。
兩足花開樹。春田水滿陂。風寒在西北。堅固插藩籬。
神龍飛九五。國步正艱時。空持和親策。誰賦出征詩。天
怒發如震。王言出若絲。赫然膺懲詔。會有肅清期。
鍊兵當鍊氣。用器當用長。國體唯尊讓。軍威在銃槍。世
方患白鬼。人尚夢黃梁。泄泄安能久。時危憂我皇。
朝議何多日。夷患已十年。唯成長歎息。空憶舊林泉。餘
雪留梅澗。新烟搖麥田。春光看如此。吾意獨蕭然。

八月廿三日。別兒島小川二生於野田。悵然有作。

託寄青邨五岳林外諸君。求和并乞教。

衰柳殘烟別意搖。出門人事日蕭條。東來旌旆猶環境。
西渡衣冠未返朝。難見友如良夜月。收聲身似向寒螯。
江湖廊廟無窮恨。說與秋風魂欲消。

臘八同劉士新諸子訪東方菴。渡龍溪看梅二首。

宵深東方庵。僧去闕蘿幌。清池倒間雲。長寬分溪響。素
梅間碧楸。水石蔭篠蕩。山禽響深青。浮鱗時迫往。日氣
搖微波。花光相盪漾。寒極蒼烟滅。風振凝香蕩。清境警
塵夢。遙想生遐賞。佛若許分龕。吾將脫世網。云何箇中
人。向城曳錫杖。

歸路過龍溪。村。臞。佛。寺。俗。矮。楸。未。解。咲。無。以。供。幽。臚。穿。
林。出。平。川。沙。白。寒。流。綠。渺。渺。枯。葦。偃。亭。亭。遠。鶴。卓。踈。雨。
雪。不。成。小。晴。風。自。朔。褰。裳。涉。淺。灘。寒。玉。鳴。吾。足。野。店。新。
蕙。香。梅。花。照。屋。角。醉。歸。携。一。枝。或。怕。行。人。觸。

乙丑十二月望

神。魚。掀。鬣。大。塊。舞。女。媧。石。破。落。愁。兩。騰。陽。如。旣。冬。雲。熱。
蟄。蟲。啾。吟。啟。牖。戶。玉。燭。不。調。妖。鬼。蹲。碧。翁。無。泣。波。臣。寬。
驕。甲。情。兵。紛。不。戢。火。燎。于。原。將。自。焚。

枕潮樓

遠。嶼。近。洲。帆。外。連。危。樓。縹。緲。靠。孱。顏。市。聲。在。水。晚。櫓。亂。

鷗。夢。倚。天。春。浪。閒。雲。伴。茶。烟。生。棟。裡。風。吹。佳。句。落。人。間。
他。年。相。憶。那。忘。得。凝。露。臺。前。好。海。山。

發佐賀關留別館主吟松

騷。人。游。跡。任。窮。通。廿。日。南。樓。為。寓。公。小。市。春。過。寒。食。節。
古。關。花。落。兩。聲。中。生。從。幽。憤。連。朝。疾。吹。到。離。愁。一。笛。風。
他。日。揚。州。問。前。夢。誰。知。杜。牧。是。梁。鴻。

甲子冬。余有故奉身而退。明年夏之九州。丙寅八
月歸到富海。官將正國典。杜戶省咎。賦此自遣。余
在九州。頗糾合義旅。將欲有所為。而未發也。

來無補于國。去元非身謀。耿耿憂國念。向人說却羞。形

明詩名苑詩選卷上
迹既拘我。寸丹誰能抽。身死心不死。鼎鑊非我憂。洵洵方寸濤。安然靜似油。決昔望海南。戰雲歷九州。繾綣同盟士。忠憤正橫秋。報國望君早。失機莫我尤。尚恨磨一劍。不斬國賊頭。

自畫秋景橫披用李忠定渡淮詩韻。

海南海北秋蒼蒼。烟波碧色夕陽黃。老親在彼君在此。不省何地是吾鄉。讀書不醫涉世拙。平生所學何施設。丹心一掬終未銷。窮通百變豈自折。富海片雨作秋寒。風折菰蒲雁聲乾。弄筆何意寫秋色。疎柳殘霞無數山。雲裡流泉來何處。小橋斜通酒家路。安得畫中奉菽水。

一家鷄犬靜無懼。志願空惜歲月道。此身猶似不繫舟。丈夫致身報國難。君子不憂一朝愁。

丙寅十月紀事二首

先鋒兩路破青山。當道砲臺無一堅。敗甲紛飛風裡葉。中軍殺到蒲生川。馬陵隘口罷涓斃。綿竹陰崖鄧艾懸。笑我書生亦餘勇。短衣窄袖舞長鞭。

前隊先登龍鼻峰。敵巢已落馬燈中。燼餘殘寇非難殲。善後勝兵不逐窮。霜氣白侵高箬火。雲聲寒戰大旗風。受降何必誇京觀。寄語諸公慎詰戎。

偶得

燕燕鶯鶯取次顛。夢中蝶夢使誰憐。櫻花雪後海棠雨。
又被春風誤一年。

十四日南浦泛舟得何字

瑟瑟羅紋。感細波。扁舟晚載好詩過。天懸一雁。夕陽澗。
水蘸數峰。秋色多。喪亂偶然落塵土。鐵衣未許換烟蓑。
浩歌鼓柁。感身世。漁弟漁兄奈汝何。

四月十七日。舟發馬關。十九日。夜過須磨。明石之
間。看月有感。

十年不到中原路。此夜孤舟感慨多。人世未當容易死。
又看明月過須磨。

十七月十七夜。偶吟樂聲遠。朝廷議論如春雨。吳蜀
草樹人才似夕陽。人才不似深衣古。國勢如何措幣輕。
等句。擊節悲歌。繼之以泣。不自知其所以然也。意
千歲之下。萬里之外。何其感人如此乎。遂成一篇。
以續其聲。聲遠宋寶祐癸丑特科狀元。以許賈似
道。坎壈終身。如烏鳥歌一篇。尤為痛絕。泐絕之作。
余每喜以變徵聲歌之。

愛吟聲遠烏鳥聲。傷我蒼茫千載情。寶祐狀元負名士。
朝廷議論問書生。人才唯似夕陽好。國勢真同紙幣輕。
擊節悲歌中夜起。秋風亦作不平鳴。

十月廿五日夜東京聽雨時始入史局

風雨蕭蕭夜滿城。酒醒便覺客思生。雲飛千里親垂老。恩重一官身轉輕。報國文章成底事。磨人硯墨太無情。孤燈照破枕函夢。聽盡空階滴到明。

渤海舟中所見

闌干星斗繞輪船。回首芝罘已渺然。萬道電光東北落。卧看雷雨過朝鮮。

天津城晚望

草樹連天綠似苔。白河引帶抱城回。蒼茫客思欲無際。七十二沽秋色來。

源九郎

鶴嶺之山猶可跋。屋島之海猶可絕。腰越之驛不可越。平軍十萬如摧枯。難勝讒豎三寸舌。讒豎之舌有所恃。兄家岳翁如魑魅。獨恠惟幄張子房。不安劉氏助呂氏。李廣兵法渾是奇。一生數奇亦可悲。芳野風雪衣川水。英雄未路無所歸。多情空得見女憐。蛾眉唱斷纒絲詞。

燕京雜句

渚宮水殿帶殘荷。秋柳蕭疎太液波。獨自金鰲橋上望。景山滿目夕陽多。景山即煤山。明時稱萬歲山。思宗殉國處。吹面塵灰抹翠霞。晴風半日馬蹄譁。正陽門外一宵雨。

滿路深泥欲沒車。

明治名家詩選卷上

明治名家詩選卷之上 終



48-13387

010190522461

明治名家詩選卷上

滿路深泥欲沒車。

明治名家詩選卷上

明治名家詩選卷之上 終



48-13387

010190522461

明治名家詩選 一五〇

